

Panimula

Inihahandog sa iyo ang Basic Literacy Program ng Bureau of Alternative Learning System (**BALS**). Ito ay isang alternatibong paraan upang higit na mapabuti ang iyong kaalaman at kakayahan sa pagbasa, pagsulat at pagkukwenta. Ito ay para rin sa iyong pag-unlad at magiging gabay upang matuto kang lumutas sa mga suliraning kaugnay sa pang-araw-araw na pamumuhay.

Sa pag-aaral ng modyul na ito, malilinang ang iyong kakayahan at kaalaman tungkol sa ating kalikasan. Makatutulong ito upang magampanan mo ang iyong tungkulin na pahalagahan at pagyamanin ito upang manumbalik ang dating anyo mula sa pagkasira nito.

Ang mga pagsubok sa modyul na ito ay magbibigay sa iyo ng pagkakataong masubaybayan ang pag-unlad ng kaalaman at kasanayan. Ito rin ay makatutulong sa iyo upang magkaroon ng makabuluhan at makabagong pananaw sa pagtatamo ng isang magandang kinabukasan.